

Broj: 581-14/18

Datum: 22.02.2018. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj 581-12/18 od 21.02.2018. godine, u postupku javne nabavke **roba – Frižider za skladištenje pripravaka krvi**, direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 581-12/18 od 21.02.2018. godine i Ugovor za javnu nabavku **roba – Frižider za skladištenje pripravaka krvi** dodjeljuje se ponuđaču **„ANALITIKA“ d.o.o. Sarajevo**, ponuda broj TEN-010-I **dostavljena dana 14.02.2018. godine, sa konačnom cijenom ponude od 8.490,00 KM (bez PDV-a), kao najpovoljnijem ponuđaču.**

Član 2.

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Ugovorni organ je u tenderskoj dokumentaciji predvidio provođenje E-aukcije.

Član 3.

U postupku nabavke iz člana 1. ove Odluke zaprimljene su ukupno četiri kvalifikovane ponude sljedećih ponuđača:

1. ANALITIKA d.o.o. Sarajevo sa konačnom cijenom ponude nakon provedene „E-aukcije“ u iznosu od 8.490,00 KM bez uračunatog PDV-a;
2. EURO LAB d.o.o. Bijeljina sa konačnom cijenom ponude nakon provedene „E-aukcije“ u iznosu od 8.499,00 KM bez uračunatog PDV-a;
3. BROMA BEL d.o.o. Banja Luka sa konačnom cijenom ponude nakon provedene „E-aukcije“ u iznosu od 14.200,00 KM bez uračunatog PDV-a;
4. FAMA BIOMEDICAL d.o.o. Sarajevo sa konačnom cijenom ponude nakon provedene „E-aukcije“ u iznosu od 15.300,00 KM bez uračunatog PDV-a.

U postupku nabavke iz člana 1. ove Odluke zaprimljena je jedna nekvalifikovana ponuda ponuđača „INEL-BH“ d.o.o. Maglaj.

Član 4.

Izabrani ponuđač „ANALITIKA“ d.o.o. Sarajevo svoju početnu ponudu nakon provedene „E-aukcije“ umanjio je za procenat od 44,73%. S tim u vezi sve jedinične cijene po stavki iskazane u Obrascu za cijenu ponude umanjit će se za isti procenat i te umanjene cijene će se primijeniti u Ugovoru o javnoj nabavci roba.

Član 5.

Izabrani ponuđač je obavezan dostaviti originale ili ovjerene kopije dokumentacije iz člana 45. Zakona o javnim nabavkama u roku od 2 (dva) dana nakon prijema Odluke o izboru najpovoljnijeg ponuđača na Protokol Ugovornog organa.

Član 6.

Prijedlog Ugovora o javnoj nabavci roba dostaviće se na potpis izabranom ponuđaču nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 7.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 8.

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **581-4/18 od 24.01.2018. godine.**

Javna nabavka je sprovedena **putem konkurentskog zahtjeva za dostavu ponuda.**

Procijenjena vrijednost javne nabavke bez PDV-a je **16.000,00 KM.**

Obavještenje o nabavci broj: 1125-7-1-23-3-42/18, poslato je na objavljivanje dana **01.02.2018. godine**, a objavljeno je na Portalu javnih nabavki dana **01.02.2018. godine**, Obavještenje o nabavci objavljeno je u Sl. Glasniku BiH broj: **10/18 od 09.02.2018. godine.**

Komisija za nabavku, imenovana je Rješenjem broj: **581-5/18 od 24.01.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **581-11/18 od 21.02.2018. godine**, Preporuku o izboru najpovoljnijeg ponuđača broj: **581-12/18 od 21.02.2018. godine** i Izvještaj o radu broj: **581-13/18 od 22.02.2018. godine**, u postupku javne nabavke roba - **Frižider za skladištenje pripravaka krvi.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljeno 5 ponuda,
- da je blagovremeno primljeno 5 ponuda,
- da nije bilo neblagovremeno primljenih ponuda,

- da su ponude ponuđača **„ANALITIKA“ d.o.o. Sarajevo** i **„EURO LAB“ d.o.o. Bijeljina**, **„BROMA BEL“ d.o.o. Banja Luka** i **„FAMA BIOMEDICAL“ d.o.o. Sarajevo**, kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način,

i

- da se odbacuje ponuda ponuđača **„INEL-BH“ d.o.o. Maglaj** u skladu sa članom 68. stav 4. tačka i) Zakona o javnim nabavkama, jer ponuđač „INEL-BH“ d.o.o. Maglaj u svojoj ponudi za predmetnu nabavku nije dostavio Potvrdu koju daje druga ugovorna strana o realizaciji ugovora, kao ni Izjavu privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura koja je tražena u tački 4. Tehnička i profesionalna sposobnost na strani 5. tenderske dokumentacije, već je dostavio Račun/Otpremnica broj: KK-F-071-2017 od 14.03.2017. godine, Račun/Otpremnica broj: KK-F-070-2017 od 14.03.2017. godine i Račun/Otpremnica broj: KK-F-066-2017 od 14.03.2017. godine koje ugovorni organ ne može prihvatiti, jer ne ispunjavaju uslove tražene tenderskom dokumentacijom.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene.

- **Naziv ponuđača čija je ponuda ocijenjena kao najpovoljnija:**

1.	Naziv ponuđača	Ponuđač ANALITIKA d.o.o. Sarajevo
2.	Sjedište i adresa	Ul. Ferde Hauptmana broj 7, 71000 Sarajevo
3.	Ukupna cijena ponude bez PDV-a	8.490,00 KM

Izabrani ponuđač je izabran primjenjujući kriterij najniža cijena, čime je utvrđen i njihov sukcesivni red kako slijedi:

1. „ANALITIKA“ d.o.o. Sarajevo sa ukupnom cijenom od 8.490,00 KM bez uračunatog PDV-a
2. „EURO LAB“ d.o.o. Bijeljina sa ukupnom cijenom od 8.499,00 KM bez uračunatog PDV-a
3. „BROMA BEL“ d.o.o. Banja Luka sa ukupnom cijenom od 14.200,00 KM bez uračunatog PDV-a
4. „FAMA BIOMEDICAL“ d.o.o. Sarajevo sa ukupnom cijenom od 15.300,00 KM bez uračunatog PDV-a

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.

PRIPREMILA:

Amira Petrović, BA općeg prava
Referent za pravne poslove

AP

KONTROLISALA:

Sadeta Hrustemović, dipl.iur.
Kordinator za javne nabavke

HJ



DIREKTOR

Zlatko Kravić
Prim. dr. Zlatko Kravić

Dostaviti:

- Ponuđaču: „Analitika“ d.o.o. Sarajevo
- Ponuđaču: „Broma Bel“ d.o.o. Banja Luka
- Ponuđaču: „Euro Lab“ d.o.o. Bijeljina
- Ponuđaču: „Fama Biomedical“ d.o.o. Sarajevo
- Ponuđaču: „Inel-BH“ d.o.o. Maglaj
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.